

弘安七年歲次甲申六月八日於丹州神尾山二聖

院依了禪房之御訛書寫了御覽之時念佛十

返穴賢々々若不爾者生涯之可為遺恨々々

華嚴宗末學信海筆

同八年正月廿九日如木墨點畢

...

...

...

...

富士山記

都良杏

富士山者在駿河國峯如削成直聳屬天其高不可

測歷覽史籍所記未有高於此山者也其聳峯鬱起

見在天際臨瞰海中觀其靈基所盤連亘數十里間

行旅之人經歷數日乃過其下去之顧望猶在山下

盖神仙之所遊萃也承和年中從山峯落來珠玉

有小孔盖是仙簾之貫珠也又貞觀十七年十一

月五日吏民仍舊致祭日加午天甚美晴仰觀山

峯有白衣美女二人雙舞山巔上去巔一尺餘土

人共見古老傳云山名富士取郡名也山有神名淺

開大神此山高極雲表不知幾丈頂上有平地廣一
 許里其頂中央窪下體如炊甑甑底有神池池中有
 大石石體驚竒宛如蹲帛亦其甑中常有氣蒸出其
 色純青窺其甑底如湯沸騰其在遠望者常見煙火
 亦其頂上匝池生竹青紺柔悞宿雪春復不消山腰
 以下生小松腹以上無復生木白沙成山其攀登者
 止腹下不得達上以白沙流下也相傳昔有役居士
 得登其頂後攀登者皆點額於腹下有太泉出自腹
 下遂成大河其流寒暑水旱無有盈縮山東脚下有
 小山土俗謂之新山本平地也延曆廿一年三月雲

霧晦冥十日而後成山蓋神造也